

Bosna i Hercegovina
Federacija Bosne i Hercegovine
KANTON SARAJEVO
Ministarstvo za rad, socijalnu
politiku, raseljena lica i izbjeglice



Босна и Херцеговина
Федерација Босне и Херцеговине
КАНТОН САРАЈЕВО
Министарство за рад, социјалну
политику, расељена лица и изbjеглице

Bosnia and Herzegovina
Federation of Bosnia and Herzegovina

CANTON SARAJEVO
Ministry of Labour, Social Policy, Displaced
Persons and Refugees

Broj:13-02/2-05-3581-50/19
Datum, 30.05.2019. godine

KANTON SARAJEVO
Stručna služba Vlade
Ovdje

Predmet: Odgovor na zastupničko pitanje, dostavlja se
Veza: Vaš akt, broj: 16-01-05-3581-50/19 od 03.04.2019. godine

Poštovani,

u vezi sa Vašim zahtjevom broj i datum gornji, u kojem ste naveli da je zastupnik Damir Nikšić na Petoj radnoj sjednici Skupštine Kantona Sarajevo održanoj dana 27.02.2019. godine u okviru tačke dnevnog reda „Poslanička pitanja inicijative i odgovori“ postavio zastupničko pitanje „koje se odnosi na projekte koji su do sada provedeni i koji se projekti planiraju u cilju motivisanja Sarajlija na povratak u Sarajevo, na pad Srba i Hrvata u Sarajevu u odnosu na popis iz 1991. godine“, obavještavamo Vas o slijedećem:

Budući da je Dejtonskim mirovnim sporazumom Kantonu Sarajevo pripalo predratnih 9 općina Grada Sarajeva, od kojih su, dijelovi teritorija određenog broja općina, pripali entitetu RS, samim tim i broj stanovnika iz reda građana srpske nacionalnosti, prema popisu iz 1991. godine je, na području koje obuhvata Kanton Sarajevo, manji.

Neposredno nakon potpisivanja Dejtonskog mirovnog sporazuma, zaključno sa 1997. godinom povratak raseljenih lica i izbjeglica se, uglavnom, odvijao spontano i sporadično i možemo slobodno reći, da se, u najvećem broju, radilo o povratku porodica iz reda bošnjačkog naroda.

U periodu od 1998. do 2003. godine zabilježena je tendencija povećanja povratka porodica srpske i hrvatske nacionalnosti.

Formiranjem općinskih informativnih centara za povratak, u martu 1998. godine, i uspostavljanjem baze podataka o prijavama za dobrovoljni povratak raseljenih lica i izbjeglica – povratnika na teritorij Kantona Sarajevo, sve porodice su imale mogućnost, da u općinskim informativnim centrima podnesu prijavu za dobrovoljni povratak na prijeratnu adresu prebivališta.

Zauzeta stambena imovina, putem općinskih imovinsko-pravnih službi i Uprave za stambena pitanja Kantona Sarajevo, u potpunosti je vraćena vlasnicima i nosiocima stanarskog prava, izuzimajući slučajeve za koje se iz određenih razloga, postupak povrata imovine vodi putem nadležnih sudova.



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1



Kada je riječ o registrovanom povratku raseljenih lica i izbjeglica iz reda srpske i hrvatske nacionalnosti u Kanton Sarajevo, naglašavamo da Ministarstvo za rad, socijalnu politiku, raseljena lica i izbjeglice iste precizno, po godini, općini povratka i nacionalnoj strukturi, evidentira od početka 1998. godine, tako da je, zaključno sa 30.04.2019. godine, na bazi podataka dobivenih od resornih službi općina Kantona Sarajevo, Uprave za stambena pitanja Kantona Sarajevo, drugih nivoa vlasti koji implementiraju projekte obnove stambenih jedinica, te međunarodnih humanitarnih organizacija, Ministarstvo registrovalo povratak ukupno 44.106 porodica ili cca 140.000 lica.

Od navedenog ukupnog broja registrovanih povrataka, 23.991 porodica ili cca 76.000 lica je iz reda povratnika srpske nacionalnosti i 3.602 porodice ili cca 11.500 lica je iz reda povratnika hrvatske nacionalnosti, po općinama kako slijedi:

| Povratnici srpske nacionalnosti: | | Povratnici hrvatske nacionalnosti: |
|----------------------------------|---------|------------------------------------|
| Stari Grad | - 407 | 74 |
| – Centar | - 2.683 | 427 |
| – Novo Sarajevo | - 5.342 | 850 |
| – Novi Grad | - 7.765 | 1.196 |
| – Ilidža | - 3.414 | 669 |
| – Ilijaš | - 1.448 | 140 |
| – Vogošća | - 1.877 | 148 |
| – Hadžići | - 971 | 98 |
| – Trnovo | - 84 | 0 |

Najveći broj registrovanih povrataka ostvaren je primjenom Zakona o prestanku primjene Zakona o napuštenim stanovima („Službene novine Federacije Bosne i Hercegovine“, broj: 11/98, 38/98, 12/99, 18/99, 27/99, 43/99, 31/01, 56/01, 15/02, 24/03 i 29/03) i Zakona o prestanku primjene Zakona o privremeno napuštenim nekretninama u svojini građana („Službene novine Federacije Bosne i Hercegovine“, broj: 11/98, 29/98, 27/99, 43/99 i 56/01).

Paralelno sa primjenom naprijed navedenih zakona, Ministarstvo za rad, socijalnu politiku, raseljena lica i izbjeglice Kantona Sarajevo je, u skladu sa programskom orijentacijom, koja proističe iz odredaba utvrđenih Aneksom 7. Dejtonskog mirovnog sporazuma, koji govori o pravima raseljenih i izbjeglih lica na dostojanstven povratak, bezbjedonosno, socijalno i ekonomski održiv povratak na prijeratnu adresu prebivališta, preferirajući raseljena lica koja privremeno koriste kolektivne centre i druge vidove alternativnog smještaja u Kantonu Sarajevo, kontinuirano ostvarivalo intenzivnu saradnju sa međunarodnim humanitarnim organizacijama, općinama Kantona Sarajevo i drugim nivoima vlasti, finansirajući ili sufinansirajući realizaciju velikog broja projekata obnove stambenih jedinica, što je također, doprinosilo većem broju registrovanih povrataka, uključujući i povratak porodica iz reda srpske i hrvatske nacionalnosti. U tom smislu, posebno ističemo realizaciju projekata obnove stambenih jedinica „CEB“, koji se finansirao kreditnim sredstvima Razvojne banke Vijeća Evrope i projektima „ZP-08“, „ZP-09“ i „ZP-10“ koji su se



web: <http://mrsri.ks.gov.ba>
 e-mail: mrsri@mrsri.ks.gov.ba
 Tel: + 387 (0) 33 562-089, Fax: + 387 (0) 33
 562-090
 Sarajevo, Reisa Džemaludina Čauševića 1



finansirali udruženim sredstvima Državnog resornog ministarstva, resornih ministarstava entiteta i Distrikta Brčko BiH, putem Fonda za povratak, obuhvaćena je sanacija značajnog broja stambenih jedinica, vlasništvo porodica iz reda srpske i hrvatske nacionalnosti, te programa CARDS 2003. i CARDS 2004., u okviru kojih je na području Kantona Sarajevo saniran, po principu „ključ u ruku“, značajan broj stambenih jedinica, a odabir korisnika vršen je na osnovu prijava po Javnom pozivu za sve kategorije bez obzira na nacionalnu pripadnost (raseljene porodice, izbjeglice i povratnici), koji su finansirani sredstvima Evropske Komisije, u čijem sufinansiranju je značajno učestvovalo i ovo ministarstvo.

Opredjeljenje Ministarstva je omogućavanje povratka svih raseljenih lica na prijeratne adrese prebivališta i Ministarstvo izražava spremnost da sa ostalim nivoima vlasti uspostavi partnerski odnos sa precizno utvrđenim obavezama, nosiocima i rokovima izvršenja, u cilju dosljedne realizacije svih pitanja za provedbu Aneksa VII Dejtonskog mirovnog sporazuma.

S poštovanjem,

Pripremio: Edin Duraković, šef odjeljenja, <[redacted]>
Kontrolisala: Slavica Gorančić, pomoćnik ministra <[redacted]>

Sekretarka Ministarstva, Belma Trajkov

Dostavljeno:

1. Naslovu,
2. Evidencija ministra,
3. A/a



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1

